

Mga Delikado nga Epekto sa Pagsunog sa mga Plastik nga Basura

Impormasyon



Sa unsa nga pamaagi maka apekto sa atong panglawas ang pagsunog sa plastik nga basura?

Sagad sa mga tao wala makabalo unsa ang mahimong resulta sa panglawas ug sa kalikopan sa ilang pagsunog ug mga plastik. Sa usa ka paniksik nakita nga ang pagsunog sa mga plastik mas delikado sa panglawas ikompara sa niaging pagtuon. Makataas kini sa risiko sa sakit sa kasingkasing, hubak, **emphysema ug pwede kining mahimong rason** sa rashes, pagsuka, sakit sa ulo, pagkaguba sa nervous system, kidney, liver ug sakit sa reproductive ug development system sa tao. Ang pagsunog sa plastik nga baso, snack bag, plastik sa candy, ug uban pa mao ang nagpagawas ug delikado nga poison sa atong hangin. **Kining maong poison pwedeng ma absorb sa atong panit ug baga.**



Poisonous nga aso gikan sa gisunog nga plastik

Ang aso gumikan sa pagsunog sa plastik makaguba sa atong mata ug mucous membranes. Dugay nga pagka expose niini nga aso maka apekto sa central nervous system ug makahatag ug sakit sa ulo, fatigue, pagkaluya ug depresyon.

Ang pagsunog sa mga plastik nga basura gapagawas ug makamatay nga kemikal padulong sa imong pamilya, mga anak ug mga kasilinganan.

Pagsunog ug basura sa tugaran

Poisonous nga aso gikan sa gisunog nga plastik

Ang pinaka delikado nga poison sa hangin kasagaran gikan sa gisunog nga plastik. Sa panahon nga magsunog kita ug plastic, daghang delikado nga kemikal ang gipagawas niini. Pwede kining masud sa atong lawas ug mahimong cancer. Sa mga nagsabak nga inahan, pwede kining mapasa sa iyang anak samtang siya nagsabak pa lamang. Ang maong poison ma absorb sad sa atong mga kahoy nga nagbunga sa atong prutas nga kaonon ug sa atong mga basakan. Masagol pud kini sa atong tubig ilimnon pinaagi sa ulan. Kita nag ginhawa, nagkaon ug nag inom ini nga mga poison adlaw adlaw.

Pagsunog ug plastic ug mga basura

Basi sa survey, ang pagsunog sa mga plastik nga basura usa ka butang nga ginabuhat sa mga Pilipino sa tibuok Pilipinas. Kining mga plastik ginasunog sa balay o bisan sa oven. Kining mga plastik kinahanglan nga makolekta ug malabay pagtarong. Ang mga aso gikan ani nga pagsunog diretso nga musulod sa atong mga balay ug kasilinganan ug mukatag sa tibuok isla.

Importante kaayo nga muhunang kita sa pagsunog sa mga plastik nga basura. Sakto nga pagkolekta ug paglabay sa tabang sa atong barangay mao ang solusyon niini.

Nakita nga ang kinabuhi sa daghang Pilipino nagmubo ug 20 ka tuig tungod sa cancer ikompara sa mga tao sa lain nasud ug kini mahitungod sa atong pagsunog ug plastik ug mga basura.



Ang pagsunog sa plastic nga basura sa tugkaran mao ang naandam.

Nganung magsunog ug plastik ug uban nga mga basura ang mga tao

- Mas dali kini nga paagi kaysa pag butang niining mga basura sa disposal site.
- Likay sa pagbayad sa pagkolekta sa basura o walay gakolekta niining mga basura.
- Mao ra kini ang nakitang paagi sa tao sa paglimpyo sa iyang palibot.
- Dali kini nga sunugon ug magamit isip enerhiya. Ang stove gagamit ug plastik; mahal ang kahoy nga pwede unta nga magamit sa pagluto ug pinaagi sa pagsunog, mugamay ang basura.

Sa unsang pamaagi nakadelikado sa kalikopan ang pagsunog sa mga basura ug plastik?

Ang mga polusyon nga gipagawas sa aso sa pagsunog ug plastik nagkatag pinaagi sa hangin sa atong palibot nga pwede muabot sa layong distansya ug mao kini ang pareho nga hangin nga atong giginhawa, apil na ang atong yuta ug paingon sa tubig.

Kita gaghawa, gakaon ug gainom niining mga delikadong kemikal adlaw adlaw.

Mahimo kaning hinungdan sa cancer, depekto sa pagsabak ngadto sa bata, reproductive failure ug immune diseases.

Ang aso sa plastik usa sa pinaka delikadong kemikal. Kini makahatag kanimu ug sakit ingon man makamatay!

Unsa imong mabuhat?

Ilain ang mga plastik -

Ilain ang mga plastik nga basura sa uban nimong basura sama sa mga malata. Ayaw pagsunog ug mga plastik sa imong tugkaran or sa balay.

Pagminus sa paggamit ug plastik -

Kung posible, minusan ang paggamit sa plastik. Kung mahimo, dili magpalit ug mga butang o pagkaon nga nakaputos sa plastik kay mao kini ang gapagawas ug poisonous nga aso.

Pagminus sa mga basura -

Palit ug mga butang nga pwede pang magamit pag usab.

Compost -

Pagcompost sa mga basura nga malata ug dili kini sunugon.

Gamiton usab -

Tabang sa imong barangay sa pagpatuman sa pag recycle sa papel, botelya ug metal. Pwede mabalik ang mga plastik sa recycling centers diin pwede kining magamit balik isip lain nga produkto.

Dili magsunog ug plastik sa garden o sa balay!

This fact sheet is produced by:

Clean Cebu Club
www.CleanCebu.Club

References :
EPA – Backyard burning

Burning web page
<http://www.arb.ca.gov/smp/resbur/n/res-burn.htm>



Clean Cebu Club